



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

Candide Lector!

urn:nbn:de:hbz:466:1-11903



CANDIDE LECTOR!

EN Tibi, Civitatis amplissimæ Historiam, & populare in eâ Regimen exhibeo: neq; illud solum, sed &, quod antecessit, optimatum; ubi vitia simul quibus plebi optimates succubuere, & virtutes hujus quibus istis prævaluit, deinde ejusdem plebis errores queis suum tandem statum corruptit, quasi in scena videbis. Illustrius argumentum frequentissimæ mutationes dedere, quibus civilis hæc societas semper agitata: auxerunt illud infinitæ contentiones, dum non intus solum per scelera & virtutes de Curiâ, sed & extrâ magnis prætensionibus de Imperio Urbis certatum est; Insuper victricia quæ hinc inde circumtulit arma, nec non res ætate nostrâ, & modo nuper gestæ Historiam commendabunt. Istis omnibus ad præsens argumentum, & conatum similem provocatus sum, quo, sed excellentius fateor, versatissimus in omni antiquitate **PETRUS LAMBECIUS** *Hamburgensia*, **SERARIUS** *Moguntina & Würceburgica*, **LEHMANNUS** *Spirensia*, **BROWERUS** *Trevirensia ac Fuldensia*, jamque olim **Joannes de BEKA** & **Wilhelmus HEDA**, *Ultrajectina*, **AVENTINUS**, **BRUNNERUS** *Bojarica*, horumque **Ludovicum BURGUNDUS**, **ALBINUS Misnica STRADA** & **GROTIUS Belgica**. Alii alia vel universaliter, vel partes profecuti sunt. Ista illustrissima ars est, & ingeniosissimum inventum, quo **CELSISSIMVS PRINCEPS FERDINANDVS**, suæ **PADERBORNÆ** *monumenta*, ex Romanâ, Francicâ, & Saxonicâ antiquitate eruit, tradet.

tradetque illustrius in illâ, quam magnis votis expectamus Historiâ. Prænobilem Hamburgensium Scriptorem LAMBECIUM prædicavi? eidem hæc Historia multa debet; quippe per fratrem meum CHRISTOPHORUM, qui nomine EMINENTISSIMI ELECTORIS MOGVNTINI in Aulâ CÆSARIS AVGVSTISSIMI residet, ejus mihi favorem conciliavi, cujus beneficio accepi, quæ ex *Anonymi Chronico Thuringiæ MS. Augustissimæ Bibliothecæ Cæsareæ Vindobonensis*, excerpti. Servet utinam rei literariæ hunc Virum numen! ut quæ præclarissima partim incepit, partim adhuc meditatur volumina, præsertim illa quæ subjunctus libro quinto *Augustissimæ Bibliothecæ Cæsareæ* cathalogus spondet, complere valeat. Cæterum loca nonnulla, ex quibus res jam olim gestas desumpsi, allegare libuit, quod quidem contra Historiographorum morem esse videri posset, multis ea studio silentibus; attamen ita mihi, & in hoc non parvi nominis antecessores sequi placuit. Allegavi interdum factis recentiores, ut qui antiquioribus destituuntur, ex iis supplere meam brevitatem possint. Chronica Erfurtensia MSta quod attinet, ea habentur hic varia, quæ ipsa alicubi Lipsius prædicat. Editum hæctenus vidi nullum. Secutus ego potissimum duo: Petrense alterum, circa Annum Christi MCCCCXC. à Nicolao de Syghen, istius Cœnobii Monacho, prudenter conscriptum, id quod Reverendissimi ABBATIS ADAMI Gratiâ obtinui. Alterum antiquius, à nobilissimâ Schwengfeldiorum familiâ successivè continuatum. Illud addo, me pronuper, libello præsentè jam ultrà dimidium typis dato, in Eichsfeldiâ nonnullos antiquissimæ monetæ nummos argenteos, à ruricolâ coëmisse; illa se accepisse à majoribus asserit,

rit, latuisse sub terrâ, lineamenta occupans: Intum
evincit. Eorum unum, à Ludovico primo Land-
gravio, & tertio in Thuringiâ ex hac familiâ Mo-
guntino Vicedomino, ejus etiam imaginē exhibet,
cusum, incisum æri libro primo Hist. n. xi. adjunxi,
& antiquitate suâ, & notabilibus aliis publico di-
gnum; illudque advertendum, quod ut Vicedomi-
nus Rötam Moguntinam sibi apposuerit. Num-
mum autem Ludovici primi, Casaris Lotharii ge-
neri esse, ex eo liquidum est, quod nullus unquam
provincialis, ut se vocat, Comes, Moguntiaë vices in
Thuringia egerit, quàm iste Ludovicus: quo de num-
mo, post impressionem libri primi reperto, cum in
textu scribere nihil potuerim, hæcce paucula adferre
volui. Fave Lector, ac vale! nec non eo
quo scripsi animo accipe.

